

金匱要略

中下



漢書門類	一二九六七	函號	二二	架冊	五七六
------	-------	----	----	----	-----

庫文閣內	漢書
一二九六七	函號
五七六	架冊
三八	架冊

內閣文庫	
番號	漢 12967
冊數	75 (22)
函號	301 59



大學東
校典藉
局之印

金匱玉函要畧方論卷中

漢

張仲景述

晉

王叔和集

宋尚書司封郎中充秘閣校理臣林億等詮次

大明新安吳勉學閱

應天 徐 鎔 校

○五臟風寒積聚病脉證并治第十一

論一首

脉證十七條

方二首

肺中風者口燥而喘身運而重胃而腫脹○肺中寒吐濁涕○肺死藏浮之虛按之弱如葱葉下無根者死

肝中風者頭目暈兩脇痛行常偃令人嗜甘○肝中

金匱要畧

寒者兩臂不舉舌本燥喜太息胸中痛不得轉側食則吐而肝出也脈經千金云時盜汗欬食已吐其汁○肝死藏浮之弱按之如索不來或曲如蛇行者死○肝着其人常欲蹈其胸上先未苦時但欲飲熱旋復花湯主之臣億等校者本旋復花湯皆同心中風者翕翕發熱不能起心中飢食即嘔吐○心中寒者其人苦病心如噉蒜狀劇者心痛徹背背痛徹心譬如蠱注其脈浮者自吐乃愈○心傷者其人勞倦即頭面赤而下重心中痛而自煩發熱當臍跳其脈弦此為心藏傷所致也○心死藏浮之實如丸

豆按之益躁疾者死○邪哭使魂魄不安者血氣少也血氣少者屬於心心氣虛者其人則畏合目欲眠夢遠行而精神離散魂魄妄行陰氣衰者為癩陽氣衰者為狂脾中風者翕翕發熱形如醉人腹中煩重皮日濇濇而短氣○脾死藏浮之大堅按之如覆盂潔潔狀如搖者死臣億等計五藏各有中風中寒今脾只載中風腎中風中寒俱不載者以古文簡亂極多去古既遠無文可以補綴也跌陽脈浮而濇浮則胃氣強濇則小便數浮濇相搏大便則堅其脾為約麻子仁圓主之

一作乙類

○麻子仁丸方

麻子仁二升

芍藥半斤

枳實一斤

大黃一斤

厚朴一尺

杏仁一升

右六味末之煉蜜和丸梧子大飲服十九日三以知為度

腎著之病其人身體重腰中冷如坐水中形如水狀

反不渴小便自利飲食如故病屬下焦身勞汗出衣

一作表裏冷濕久久得之腰以下冷痛腹重如帶五千

錢甘薑苓朮湯主之

○甘草乾姜大苓白朮湯方

大作後類

甘草

白朮各二兩

乾姜

茯苓各四兩

右四味以水五升煮取三升分溫三服腰中即

溫

腎死藏浮之堅按之亂如轉丸益下入尺中者死

問曰三焦竭部上焦竭善噫何謂也師曰上焦受中

焦氣未和不能消穀故能噫耳下焦竭即遺溺失便

其氣不和不能自禁制不須治久則愈

師曰熱在上焦者因欬為肺痿熱在中焦者則為堅

熱在下焦者則尿血亦令淋秘不通大腸有寒者多

鶩瘡有熱者便腸垢小腸有寒者其人下重便血有熱者必痔

問曰病有積有聚有繫氣何謂也師曰積者藏病也終不移聚者府病也發作有時展轉痛移為可治繫氣者脇下痛按之則愈復發為繫氣諸積大法脉來細而附骨者乃積也寸口積在胸中微出寸口積在喉中關上積在臍傍上關上積在心下微下關積在少腹尺中積在氣衝脉出左積在左脉出右積在右脉兩出積在中央各以其部處之

○痰飲欬嗽病脉證并治第十二

論一首 脉證二十一條 方十九首

問曰夫飲有四何謂也師曰有痰飲有懸飲有溢飲有支飲○問曰四飲何以為異師曰其人素盛今瘦水走腸間漑漑有聲謂之痰飲飲後水流在脇下欬唾引痛謂之懸飲飲水流行歸於四肢當汗出而不汗出身體疼重謂之溢飲欬逆倚息氣短不得卧其形如腫謂之支飲○水在心心下堅築短氣惡水不欲飲○水在肺吐涎沫欲飲水○水在脾少氣身重○水在肝脇下支滿噎而痛○水在腎心下悸○夫心下有留飲其人背寒冷如水大○留飲者脇下痛

湯類

引缺盆欬嗽則輒已一作甚○胸中有留飲其人短氣而渴四肢歷節痛脉沉者有留飲○膈上病痰滿喘欬吐發則寒熱背痛腰疼目泣自出其人振振身瞤劇必有伏飲○夫病人飲水多必暴喘滿凡食少飲多水停心下甚者則悸微者短氣脉雙弦者寒也皆大下後喜虛脉偏弦者飲也○肺飲不弦但苦喘短氣○支飲亦喘而不能臥加短氣其脉平也○病痰飲者當以溫藥和之

心下有痰飲胸脇支滿目眩苓桂朮甘湯主之

○茯苓桂枝白朮甘湯方

茯苓 四兩

桂枝

白朮 各三兩

甘草 二兩

右四味以水六升煮取三升分溫三服小便則利

前類

夫短氣有微飲當從小便去之苓桂朮甘湯主之方見婦人腎氣丸亦主之雜病中

病者脉伏其人欲自利利反快雖利心下續堅滿此為留飲欲去故也甘遂半夏湯主之

○甘遂半夏湯方

甘遂 大者三枚

半夏 十二枚以水一升煮取半升去滓

芍藥 五枚

甘草 如指大一枚
炙一本作无

右四味以水二升煮取半升去滓以蜜半升和藥汁煎取八合頓服之

脉浮而細滑傷飲○脉弦數有寒飲冬夏難治○脉沉而弦者懸飲内痛○病懸飲者十棗湯主之

○十棗湯方

芫花 熬

甘遂

大戟 各等分

右三味搗篩以水一升五合先煮肥大棗十枚取八合去滓内藥末强人服一錢七羸人服半錢平旦温服之不下者明日更加半錢得快之後

下類

糜粥自養方

病溢飲者當發其汗大青龍湯主之○小青龍湯亦主之

○大青龍湯方

麻黃 六兩
去節

桂枝 二兩
去皮

甘草 二兩
炙

杏仁 四十箇
去皮尖

生姜 三兩

大棗 十二枚

石膏 如雞子
大碎

右七味以水九升先煮麻黃減二升去上沫内諸藥煮取三升去滓温服一升取微似汗汗多者温粉粉之

○小青龍湯方

麻黃 去節 三兩

乾姜 三兩

桂枝 三兩 去皮

芍藥 三兩

甘草 三兩 炙

半夏 半升 湯洗

五味子 半升

細辛 三兩

右八味以水一斗先煮麻黃減二升去上沫內

諸藥煮取三升去滓溫服一升

膈間支飲其人喘滿心下痞堅面色黧黑其脉沉緊

得之數十日醫吐下之不愈木防已湯主之虛者

即愈實者三日復發復與不愈者宜木防已湯去

石膏如~~後~~芒消湯主之

○木防已湯方

木防已 三兩

人參 四兩

石膏 半斤 碎如雞子

桂枝 二兩

右四味以水六升煮取二升分溫再服

○木防已加茯苓芒硝湯方

木防已

芒硝 三合

桂枝 各二兩

人參

茯苓 各四兩

右五味以水六升煮取二升去滓內芒硝再微

煎分溫再服微利則愈

心下有支飲其人苦冒眩澤瀉湯主之

○澤瀉湯方

澤瀉

五兩

白朮

二兩

右二味以水二升煮取一升分温再服

支飲胸滿者厚朴大黃湯主之

○厚朴大黃湯方

厚朴

一尺

大黃

六兩

枳實

四枚

右三味以水五升煮取二升分温再服

支飲不得息葶藶大棗瀉肺湯主之

方見肺癰中

嘔家本渴渴者為欲解今反不渴心下有支飲故也

小半夏湯主之

千金云小半夏加茯苓湯

小半夏湯方

半夏

一升

生姜

半斤

右二味以水七升煮取一升半分温再服

腹滿口舌乾燥此腸間有水氣已椒瀝黃圓主之

○防已椒目葶藶大黃圓方

防已

椒目

葶藶

熬

大黃

各一兩

右四味末之蜜丸如梧子大先食飲服一九日

三服稍增口中有津液渴者加芒硝半兩

卒嘔吐心下痞膈間有水眩悸者半夏加茯苓湯主

丸類下全

之

○小半夏加茯苓湯方

半夏一升

生姜半斤

茯苓三兩一分
法四兩

右三味以水七升煮取一升五合分温再服

假令瘦人臍下有悸吐涎沫而癩眩此水也五苓散

主之

○五苓散方

澤瀉一兩一分

猪苓三分
去皮

茯苓三分

白朮三分

桂二分
去皮

右五味為末白飲服方寸匕日三服多飲暖水

日類

汗出愈

附方

○外臺茯苓飲治心胸中有停痰宿水自吐出水

後心胸間虛氣滿不能食消痰氣令能食

茯苓

人參

白朮各三兩

枳實二兩

橘皮二兩半

生姜四兩

右六味水六升煮取一升八合分温三服如人

行八九里進之

欬家其脉弦為有水十棗湯主之上方見

夫有支飲家欬煩胸中痛者不卒死至二百日或一歲

宜十棗湯方見上

久欬數歲其脉弱者可治實大數者死其脉虛者必苦冒其人本有支飲在胸中故也治屬飲家欬逆倚息不得卧小青龍湯主之方見上

青龍湯下已多唾口燥寸脉沉尺脉微手足厥逆氣從小腹上衝胸咽手足痺其面翕熱如醉狀因復下流陰股小便難時復冒者與茯苓桂枝五味甘草湯治其氣衝

○桂苓五味甘草湯方

茯苓四兩

桂枝四兩去皮

甘草炙三兩

五味子半升

右四味以水八升煮取三升去滓分温三服衝氣即低而反更欬胸滿者用桂苓五味甘草湯去桂加乾薑細辛以治其欬滿

○苓甘五味姜辛湯方

茯苓四兩

甘草二兩

細辛各三兩

五味半升

右五味以水八升煮取三升去滓温服半升日三

欬滿即止而更復渴衝氣復發者以細辛乾姜為

子類

熱藥也服之當遂渴而渴反止者為反飲也支飲者法當胃胃者必嘔嘔者復內半夏以去其水

○桂苓五味甘草去桂加乾薑細辛半夏湯方

茯苓

四兩

甘草

細辛

乾姜

各二兩

五味

半夏

各半升

右六味以水八升煮取三升去滓溫服半升日

三

水去嘔止其人形腫者加杏仁主之其證應內麻黃以其人遂痺故不內之若逆而內之者必厥所以然者以其人血虛麻黃發其陽故也

○苓甘五味加薑辛半夏杏仁湯方

茯苓

四兩

甘草

三兩

五味

半升

乾姜

三兩

細辛

三兩

半夏

半升

杏仁

半升去皮尖

右七味以水一斗煮取三升去滓溫服半升日

三

若面熱如醉此為胃熱上衝熏其面加大黃以利之

○苓甘五味加薑辛半夏大黃湯方

茯苓

四兩

甘草

三兩

五味

半升

乾姜 三兩

細辛 三兩

半夏 半升

杏仁 半升

大黃 三兩

右八味以水一斗煮取三升去滓溫服半升日三

先渴後嘔為水停心下此屬飲家小半夏茯苓湯主之上方見

○消渴小便利淋病脉證并治第十三

脉證九條

方六首

厥陰之為病消渴氣上衝心中疼熱飢而不欲食食即吐虵下之不肯止○寸口脉浮而遲浮即為虛

遲即為勞虛則衛氣不足勞則榮氣竭跌陽脉浮而

數浮即為氣數即消穀而大堅一作緊氣盛則洩數

洩數即堅堅數相搏即為消渴

男子消渴小便反多以飲一斗小便一斗腎氣圓主

之方見婦人雜病中

脉浮小便不利微熱消渴者宜利小便發汗五苓散

主之

渴欲飲水水入則吐者名曰水逆五苓散主之上方見

渴欲飲水不止者文蛤散主之

○文蛤散方

文蛤伍兩

右一味杵為散以沸湯五合和服方寸匕

淋之為病小便如粟狀小腹弦急痛引臍中○跌陽

脉數胃中有熱即消穀引食大便必堅小便即數○

淋家不可發汗發汗則必便血

小便不利者有水氣其人苦渴栝樓瞿麥圓主之

○栝樓瞿麥丸方

栝樓根二兩

茯苓

薯蕷各三兩

附子一枚

炮

瞿麥一兩

右五味末之煉蜜丸梧子大飲服三丸日三服

不知增至七八丸以小便利腹中溫為知

小便不利蒲灰散主之滑石白魚散茯苓戎鹽湯並

主之

蒲灰散方

蒲灰七分

滑石三分

右二味杵為散飲服方寸匕日三服

○滑石白魚散方

滑石二分

亂髮二分

白魚二分

右三味杵為散飲服半錢七日三服

○茯苓鹽戎湯方

茯苓斤半 白朮二兩 戎鹽彈丸大一枚

右三味

渴欲飲水口乾舌燥者白虎叻人參湯主之方見中
脉浮發熱渴欲飲水小便不利者豬苓湯主之

○豬苓湯方

豬苓去皮 茯苓 阿膠

滑石 澤瀉各兩

右五味以水四升先煮四味取二升去滓內膠
洋消溫服七合日三服

○水氣病脉證并治第十四

論七首 脉證五條 方九首

師曰病有風水有皮水有正水有石水有黃汗風水
其脉自浮外證骨節疼痛惡風皮水其脉亦浮外證
肘腫按之沒指不惡風其腹如鼓不渴當發其汗正
水其脉沉遲外證自喘石水其脉自沉外證腹滿不
喘黃汗其脉沉遲身發熱胸滿四肢頭面腫久不愈
必致癰膿○脉浮而洪浮則為風洪則為氣風氣相
搏風強則為隱疹身體為痒痒為泄風久為痲癩氣
強則為水難以俛仰風氣相擊身體洪腫汗出乃愈
惡風則虛此為風水不惡風者小便通利上焦有寒

其口多涎此為黃汗○寸口脉沉滑者中有水氣面
 目腫大有熱名曰風水視人之目裹上微擁如蚕新
 臥起狀其頸脉動時時欬按其手足上陷而不起者
 風水○太陽病脉浮而緊法當骨節疼痛反不疼身
 體反重而酸其人不渴汗出即愈此為風水惡寒者
 此為極虛發汗得之渴而不惡寒者此為皮水身腫
 而冷狀如周痺胸中窒不能食反聚痛暮躁不得眠
 此為黃汗痛在骨節欬而喘不渴者此為脾脹其狀
 如腫發汗即愈然諸病此者渴而下利小便數者皆
 不可發汗○裏水者一身面目黃腫其脉沉小便不

利故令病水假如小便自利此亡津液故令渴也越
 婢加水湯主之方見中風○跌陽脉當伏今反緊本自有
 寒痂瘦腹中痛醫反下之下之即胸滿短氣○跌陽
 脉當伏今反數本自有熱消穀小便數今反不利此
 欲作水○寸口脉浮而遲浮脉則熱遲脉則潛熱潛
 相搏名曰沈沈伏相搏名曰水沈則絡脉虛伏則小
 止相搏名曰伏沈伏相搏名曰水沈則絡脉虛伏則小
 便難虛難相搏水走皮膚即為水矣○寸口脉弦而
 緊弦則衛氣不行即惡寒水不沾流走於腸間○少
 陰脉緊而沈緊則為痛沈則為水小便即難脉得諸

八二四五六

卷中

七五

金匱要略 卷中
沈當責有水身體腫重水病脉出者死○夫水病人目下有臥蚕面目鮮澤脉伏其人消渴病水腹大小便不利其脉沉絕者有水可下之

問曰病下利後渴飲水小便不利腹滿因腫者何也
答曰此法當病水若小便自利及汗出者自當愈○
心水者其身重而少氣不得臥煩而躁其人陰腫○
肝水者其腹大不能自轉側脇下腹痛時時津液微生小便續通○
肺水者其身腫小便難時時鴨澹○
脾水者其腹大四肢苦重津液不生但苦少氣小便難○
腎水者其腹大臍腫腰痛不得溺陰下濕如牛

鼻上汗其足逆冷面反瘦○師曰諸有水者腰以下腫當利小便腰以上腫當發汗乃愈○師曰寸口脉沉而遲沉則爲水遲則爲寒寒水相搏趺陽脉伏水穀不化脾氣衰則驚澹胃氣衰則身腫少陽脉卑少陰脉細男子則小便不利婦人則經水不通經爲血血不利則爲水名曰血分

問曰病者苦水面目身體四肢皆腫小便不利脉之不言水反言胸中痛氣上衝咽狀如炙肉當微欬喘審如師言其脉何類師曰寸口脉沈而緊沈爲水緊爲寒沈緊相搏結在關元始時當微年盛不覺陽衰

之後榮衛相干陽損陰盛結寒微動腎氣上衝喉咽
 塞噎脇下急痛醫以為留飲而大下之氣擊不去其
 病不除後重吐之胃家虛煩咽燥欲飲水小便不利
 水穀不化面目手足浮腫又與葶藶圓下水當時如
 小差食飲過度腫復如前胸脇苦痛象若奔豚其水
 揚溢則浮咳喘逆當先攻擊衛氣令止乃治欬欬止
 其喘自差先治新病病當在後
 風水脈浮身重汗出惡風者防已黃耆湯主之腹痛
 者加芍藥

○防已黃耆湯方

方見濕病中

風水惡風一身悉腫脈浮不渴續自汗出無大熱越婢湯主之

○越婢湯方

麻黃六兩

石膏半斤

生姜三兩

甘草二兩

大棗十五枚

右五味以水六升先煮麻黃去上沫內諸藥煮取三升分溫三服

惡風者加附子一枚炮

風水加木四兩右今錄驗

皮水為病四肢腫水氣在皮膚中四肢聶聶動者防已茯苓湯主之

○防已茯苓湯方

防已三兩

黃耆三兩

桂枝三兩

茯苓六兩

甘草二兩

右五味以水六升煮取二升分溫三服

裏水越婢加木湯主之甘草麻黃湯亦主之

○越婢加木湯方

見上於內加白木四兩又見中風中

○甘草麻黃湯方

甘草二兩

麻黃四兩

右二味以水五升先煮麻黃去上沫內甘草煮

取三升溫服一升重覆汗出不汗再服慎風寒

水之為病其脉沉小屬少陰浮者為風無水虛脹者

為氣水發其汗即愈脉沉者宜麻黃附子湯浮者

宜杏子湯

○麻黃附子湯方

麻黃三兩

甘草二兩

附子一枚

右三味以水七升先煮麻黃去上沫內諸藥煮

取二升半温服八分日三服

○杏子湯方 未見恐是麻黃杏
仁甘草石膏湯

厥而皮水者蒲灰散主之 方見消
渴中

問曰黃汗之為病身體腫 一作重 發熱汗出而渴狀如

風水汗沾衣色正黃如蘗汁脉自沉何從得之師

曰以汗出入水中浴水從汗孔入得之宜者芍桂

酒湯主之

○黃耆芍藥桂枝苦酒湯方

黃耆五兩 芍藥三兩 桂枝三兩

右三味以苦酒一升水七升相和煮取三升温

服一升當心煩服至六七日乃解若心煩不止

者以苦酒阻故也 一方用美酒
醴代苦酒

黃汗之病兩脛自冷假令發熱此屬歷節食已汗出

又身常暮卧盜汗出者此榮氣也若汗出已反發

熱者久久其身必甲錯發熱不止者必生惡瘡若

身重汗出已輒輕者久久必身瞶瞶即胸中痛又

從腰以上必汗出下無汗腰體弛痛如有物在皮

中狀劇者不能食身疼重煩燥小便不利此為黃

汗桂枝加黃耆湯主之

○桂枝加黃耆湯方

勞類

桂枝

芍藥

甘草

生姜

大棗

黃耆

右六味以水八升煮取三升溫服一升須臾飲

熱稀粥一升餘以助藥力溫覆取微汗若不汗

更服

師曰寸口脈遲而濇遲則為寒濇為血不足跌陽脈微而遲微則為氣遲則為寒寒氣不足則手足逆冷手足逆冷則榮衛不利榮衛不利則腹滿脇鳴相逐氣轉膀胱榮衛俱勞陽氣不通即身冷陰氣不通即骨疼陽前通則惡寒陰前通則痺不仁陰陽相得其

氣乃行大氣一轉其氣乃散實則失氣虛則遺溺名曰氣分

氣分心下堅大如盤邊如旋杯水飲所作桂枝去芍加麻辛附子湯主之

○桂枝去芍藥加麻黃細辛附子湯方

桂枝

生姜

甘草

大棗

麻黃

細辛

附子

右七味以水七升煮麻黃去上沫內諸藥煮取二升分溫三服當汗出如虫行皮中即愈

心下堅大如盤邊如旋盤水飲所作枳木湯主之

○枳木湯方

枳實七枚

白朮二兩

右二味以水五升煮取三升分溫三服腹中更即當散也

附方

○外臺防已黃耆湯治風水脉浮為在表其人或頭汗出表無他病病者但下重從腰以上為和腰以下當腫及陰難以屈伸方見風濕中

○黃疸病脉證并治第十五

論二首 脉證十四條 方七首

寸口脉浮而緩浮則為風緩則為痺痺非中風四肢苦煩脾色必黃癢熱以行○跌陽脉緊而數數則為熱熱則消穀緊則為寒食即為滿尺脉浮為傷腎跌陽脉緊為傷脾風寒相搏食穀即眩穀氣不消胃中苦濁濁氣下流小便不通陰被其寒熱流膀胱身體盡黃名曰穀疸額上黑微汗出手足中熱薄暮即發膀胱急小便自利名曰女勞疸腹如水狀不治心中懊懍而熱不能食時欲吐名曰酒疸○陽明病脉遲者食難用飽飽則發煩頭眩小便必難此欲作穀疸

雖下之腹滿如故所以然者脉遲故也○夫病酒黃疸必小便不利其候心中熱足下熱是其證也○酒黃疸者或無熱靖言了腹滿欲吐鼻燥其脉浮者先吐之沉弦者先下之○酒疸心中熱欲吐者吐之愈○酒疸下之久久爲黑疸目青面黑心中如噉蒜虀狀大便正黑皮膚爪之不仁其脉浮弱雖黑微黃故知之

師曰病黃疸發熱煩喘胸滿口燥者以病發時火劫其汗兩熱所得然黃家所得從濕得之一身盡發熱面黃肚熱熱在裏當下之○脉沉渴欲飲水小便不

利者皆發黃○腹滿舌痿黃躁不得睡屬黃家舌痿發作

身發○黃疸之病當以十八日爲期治之十日以上瘥反劇爲難治○疸而渴者其疸難治疸而不渴者其疸可治發於陰部其人必嘔陽部其人振寒而發熱也

穀疸之爲病寒熱不食食即頭眩心胸不安久久發黃爲穀疸茵陳蒿湯主之

○茵陳蒿湯方

茵陳蒿六兩 梔子十四枚 大黃二兩
右三味以水一斗先煮茵陳減六升內二味煮

取三升去滓分温三服小便當利尿如皂角汁
狀色正赤一宿腹減黃從小便去也

黃家日晡所發熱而反惡寒此為女勞得之膀胱急
少腹滿身盡黃額上黑足下熱因作黑疸其腹脹
如水狀大便必黑時澹此女勞之病非水也腹滿
者難治消石礬石散主之

○消石礬石散方

消石

礬石

燒等分

右二味為散以大麥粥汁和服方寸七日三服
病隨大小便去小便正黃大便正黑是候也

酒黃疸心中懊懣或熱痛梔子大黃湯主之

○梔子大黃湯方

梔子

十四枚

大黃

兩

枳實

五枚

豉

一升

右四味以水六升煮取二升分温三服

諸病黃家但利其小便假令脉浮當以汗解之宜桂

枝加黃耆湯主之

方見水氣病中

諸黃猪膏髮煎主之

○猪膏髮煎方

猪膏

半斤

亂髮

如鷄子大三枚

右二味和膏中煎之髮消藥成分再服病從小便出

黃疸病茵陳五苓散主之一本云茵陳湯及五苓散並主之

○茵陳五苓散方

茵陳蒿末十分 五苓散五分 ○方見痰飲中

右二味和先食飲方寸七日三服

黃疸腹滿小便不利而赤自汗出此為表和裏實當下之宜大黃消石湯

○大黃消石湯方

大黃黃蘗 消石各四兩

○枳實 枳子十五枚

右四味以水六升煮取二升去滓內消更煮取一升頓服

黃疸病小便色不變欲自利腹滿而喘不可除熱熱除必噦噦者小半夏湯主之方見痰飲中

諸勞腹痛而嘔者宜柴胡湯必小柴胡湯方見嘔吐中

男子黃小便自利當與虛勞小建中湯方見虛勞中

附方

○葶蒂湯治諸黃方見腸病中

○千金麻黃醇酒湯治黃疸

麻黃三兩

右一味以美清酒五升煮取二升半頓服盡冬月用酒春月用水煮之

○驚悸吐衄下血胸滿瘀血病脉證治第十六

脉證十二條 方五首

寸口脉動而弱動即為驚弱則為悸○師曰尺脉浮目睛暈黃衄未止暈黃去目睛慧了知衄今止○又曰從春至夏衄者太陽從秋至冬衄者陽明○衄家不可汗汗出必額上陷脉緊急直視不能駒不得眠○病人面無血色類元無寒熱脉沉弦者衄浮弱手按之絕

人類

者下血煩欬者必吐血○夫吐血欬逆上氣其脉數而有熱不得臥者死○夫酒客欬者必致吐血此因極飲過度所致也○寸口脉弦而大弦則為減大則為乳減則為寒乳則為虛寒虛相擊此名曰革婦人則半產漏下男子則亡血○亡血不可發其表汗出即寒慄而振○病入胸滿唇痿舌青口燥但欲嗽水不欲嚥無寒熱脉微大來遲腹不滿其人言我滿為有瘀血○病者如熱狀煩滿口乾燥而渴其脉反無熱此為陰伏是瘀血也當下之火邪者桂枝去芍藥加蜀漆牡蠣龍骨救逆湯主之

○桂枝救逆湯方

桂枝三兩 去皮

甘草二兩 炙

生姜三兩

牡蠣五兩 熬

龍骨四兩

大棗十二枚

蜀漆三兩 洗 去腥

右為末以水一斗二升先煮蜀漆減二升內諸

藥煮取三升去滓溫服一升

心下悸者半夏麻黃丸主之

○半夏麻黃丸方

半夏

麻黃等分

石二味末之煉蜜和丸小豆大飲服三丸日三服

吐血不止者柏葉湯主之

○柏葉湯方

柏葉

乾姜各三兩

艾三把

右三味以水五升取馬通汁一升合煮取一升

分溫再服

吐血先便後血此近血也黃土湯主之

○黃土湯方亦主吐血衄血

甘草

乾地黄

白朮

附子炮

阿膠

黃芩各三兩

竈中黃土半斤

遠類

右七味以水八升煮取三升分温二服

下血先血後便此近血也赤小豆當歸散主之

方見狐惑中

心氣不足吐血衄血瀉心湯主之

○瀉心湯方

亦治霍亂

大黃

兩

黃連

兩

黃芩

各一兩

右三味以水三升煮取一升頓服之

○嘔吐噦下利病脉證治第十七

論一首 脉證二十七條 方二十三首

夫嘔家有癰膿不可治嘔膿盡自愈○先嘔却瀉者

此為欲解先瀉却嘔者為水停心下此屬飲家嘔家

本渴今反不渴者以心下有支飲故也此屬支飲○

問曰病人脉數數為熱當消穀引食而反吐者何也

師曰以發其汗令陽微膈氣虛脉乃數數為客熱不

能消穀胃中虛冷故也脉弦者虛也胃氣無餘朝食

暮吐變為胃反寒在於上鑿反下之今脉反弦故名

曰虛○寸口脉微而數微則無氣無氣則榮虛榮虛

則血不足血不足則胸中冷○跌陽脉浮而濇浮則

為虛虛則傷脾脾傷則不磨朝食暮吐暮食朝吐宿

穀不化名曰胃反脉緊而濇其病難治○病人欲吐

者不可下之

噦而腹滿視其前後知何部不利利之即愈
嘔而胸滿者茱萸湯主之

○茱萸湯方

吳茱萸升一

人參三兩

生薑六兩

大棗十二枚

右四味以水五升煮取三升溫服七合日三服

乾嘔吐涎沫頭痛者茱萸湯主之上方見

嘔而腸鳴心下痞者半夏瀉心湯主之

○半夏瀉心湯方

半夏半升

黃芩二兩

乾姜

涎類

人參各三兩

黃連一兩

大棗十二枚

甘草二兩

右七味以水一斗煮取六升去滓再煮取三升

溫服一升日三服

乾嘔而利者黃芩加半夏生薑湯主之

○黃芩加半夏生薑湯方

黃芩三兩

甘草二兩

芍藥二兩

半夏半升

生薑三兩

大棗十二箇

右六味以水一斗煮取三升去滓溫服一升日

再夜一服

枚類

諸嘔吐穀不得下者小半夏湯主之方見痰飲中
嘔吐而病在膈上後思水者解急與之思水者猪苓散主之

○猪苓散方

猪苓

茯苓

白朮

各等分

右三味杵為散飲服方寸七日三服

嘔而脈弱小便復利身有微熱見厥者難治四逆湯主之

四逆湯方

附子

一枚生用

乾姜

一斤

甘草

二兩

右三味以水三升煮取一升二合去滓分

服強人可大附子一枚乾姜三兩

嘔而發熱者小柴胡湯主之

○小柴胡湯方

柴胡

半斤

黃芩

三兩

人參

三兩

甘草

二兩

半夏

半升

生姜

三兩

大棗

十二枚

右七味以水一斗二升煮取六升去滓再煎取

三升溫服一升日三服

胃反嘔吐者大半夏湯主之

千金云治胃反不受食食入即吐外臺云治

嘔心下痞鞭者

斤類

○大半夏湯方

半夏二升洗

人參三兩

白蜜一升

右三味以水一斗二升和蜜揚之二百四十遍

煮藥取二升升半温服一升餘分再服

食已即吐者大黃甘草湯主之外臺方又治吐水

○大黃甘草湯方

大黃四兩

甘草一兩

右二味以水三升煮取一升分温再服

胃反吐而渴欲飲水者茯苓澤瀉湯主之

○茯苓澤瀉湯方外臺治消渴脉絕胃反吐食者有小麥乙升

茯苓半斤

澤瀉四兩

甘草二兩

桂枝二兩

白朮三兩

生姜四兩

右六味以水一斗煮取三升内澤瀉再煮取二

升半温服八合日三服

吐後渴飲得水而貪飲者文蛤湯主之兼主微風脉

緊頭痛

○文蛤湯方

文蛤五兩

麻黃

甘草

生姜各三兩

石膏五兩

杏仁五十箇

大棗十二枚

枚類

欲類

右七味以水六升煮取二升温服一升汗出即愈

乾嘔吐逆吐涎沫半夏乾薑散主之

○半夏乾姜散方

半夏

乾姜

各半升

右二味杵為散取方寸七漿水一升半煎取七

合頓服之

病人胸中似喘不喘似嘔不嘔似噦不噦徹心中憤憤然無奈者生薑半夏湯主之

○生薑半夏湯方

半夏

半升

生薑汁

半升

右二味以水三升煮半夏取二升内生薑汁煮取一升半小冷分四服日三夜一服止停後服

乾嘔噦若手足厥者橘皮湯主之

○橘皮湯方

橘皮

四兩

生薑

半斤

右二味以水七升煮取三升温服一升下咽即愈

噦逆者橘皮竹茹湯主之

○橘皮竹茹湯方

橘皮二斤

竹茹二升

大棗三十枚

生姜半斤

甘草五兩

人參一兩

右六味以水一斗煮取三升温服一升日三服

夫六府氣絕於外者手足寒上氣脚縮五藏氣絕於內者利不禁下甚者手足不仁○下利脉沉弦者下重脉大者為未止脉微弱數者為欲自止雖發熱不死○下利手足厥冷無脉者灸之不温若脉不還反微喘者死少陰負跌陽者為順也○下利有微熱而渴脉弱者今自愈○下利脉數有微熱汗出今自愈設脉數為未解○下利脉數而渴者今自愈設不差

冷熱

必清膿血以有熱故也○下利脉反弦發熱身汗者自愈○下利氣者當利其小便○下利寸脉反浮數尺中自濇者必清膿血○下利清穀不可攻其表汗出必脹滿○下利脉沉而遲其人面少赤身有微熱下利清穀者必鬱冒汗出而解病人必微厥所以然者其面戴陽下虛故也○下利後脉絕手足厥冷時脉還手足温者生脉不還者死○下利腹脹滿身體疼痛者先温其裏乃攻其表温裏宜四逆湯攻表宜桂枝湯

○四逆湯方方見上

○桂枝湯方

桂枝

三兩 去皮

芍藥

三兩

甘草

三兩 炙

生姜

三兩

大棗

十二枚

右五味㕮咀以水七升微火煮取三升去滓適寒溫服一升服已須臾啜稀粥一升以助藥力溫覆令一時許遍身漿漿微似有汗者益佳不可令如水淋漓若一服汗出病差停後服

○下利三部脈皆平按之心下堅者急下之宜大承氣湯
○下利脈遲而滑者實也利未欲止急下之宜大承氣湯
○下利脈反滑者當有所食下乃愈宜大承氣湯
○下利已差至其年月日時復發者以病不盡故也當下之宜大承氣湯

○大承氣湯方

見瘕病中

下利讞語者有燥屎也小承氣湯主之

○小承氣湯方

大黃

四兩

厚朴

三兩 炙

枳實

大者三枚 炙

右三味以水四升煮取一升二合去滓分溫二服得利則止

下利便膿血者桃花湯主之

○桃花湯方

赤石脂 一斤一半坐 乾姜 一斤

粳米 升一

右三味以水七升煮米令熟去滓温七合内赤

石脂末方寸七日三服若一服愈餘勿服

熱利下重者白頭翁湯主之

○白頭翁湯方

白頭翁 三兩 黃連 一斤 黃蘗 一斤

秦皮 各三兩

右四味以水七升煮取二升去滓温服一升不

愈更服

下利後更煩按之心下濡者爲虛煩也梔子豉湯主之

○梔子豉湯方

梔子 十四枚 香豉 四合

右二味以水四升先煮梔子得二升半内豉煮

取一升半去滓分二服温進一服得吐則止

下利清穀裏寒外熱汗出而厥者通脉四逆湯主之

○通脉四逆湯方

附子 大者一枚生用 乾姜 三兩強人可四兩 甘草 二兩

右三味以水三升煮取一升二合去滓分温再

服

下利肺痛紫參湯主之

○紫參湯方

紫參斤半

甘草三兩

右二味以水五升先煮紫參取二升內甘草煮

取一升半分溫三服疑非仲景方

氣利訶梨勒散主之

○訶梨勒散方

訶梨勒十枚煨

右一味為散粥飲和頓服疑非仲景方

附方

○千金翼小承氣湯治大便不通噦數譫語方見上

○外臺黃芩湯治乾嘔下利

黃芩

人參

乾姜各三兩

桂枝兩

大棗十二枚

半夏半升

右六味以水七升煮取三升溫分三服

○瘡癰腸癰浸淫病脉證并治第十八

論一首 脉證三條 方六首

諸浮數脉應當發熱而反洒淅惡寒若有痛處當發其癰師曰諸癰腫欲知有膿無膿以手掩腫上熱者

為有膿不熱者為無膿

腸癰之為病其身甲錯腹皮急按之濡如腫狀腹無積聚身無熱脈數此為腸內有癰膿薏苡附子敗醬散主之

○薏苡附子敗醬散方

薏苡仁十分

附子二分

敗醬五分

右三味杵為末取方寸匕以水二升煎減半頓

○服小便當下

腫癰者少腹腫痞按之即痛如淋小便自調時時發熱自汗出復惡寒其脈遲緊者膿未成可下之當

主之類

有血脈洪數者膿已成不可下也

○大黃牡丹湯方

大黃四兩

牡丹一斤

桃仁五十

瓜子半升

芒硝三合

右五味以水六升煮取一升去滓內芒硝再煎沸頓服之有膿當下如無膿當下血

問曰寸口脈浮微而澁法當亡血若汗出設不汗者云何答曰若身有瘡被刀斧所傷亡血故也病金瘡王不留行散主之

○王不留行散方

王不留行十分八月

朔藿細葉十分七月

桑東南根白皮十分三

甘草十八分

川椒三分除目及

黃芩二分

乾姜二分

芍藥二分

厚朴二分

右九味桑根皮以生三味燒灰存性勿令灰過各別杵篩合治之為散服方寸匕小瘡即粉之大瘡但服之產後亦可服如風寒桑東根勿取之前三物皆陰乾百日

○排膿散方

枳實十六枚

芍藥六分

桔梗二分

右三味杵為散取雞子黃一枚以藥散與雞黃相等揉和令相得飲和服之日一服

○排膿湯方

甘草二兩

桔梗三兩

生薑一兩

大棗十枚

右四味以水三升煮取一升溫服五合日再服浸淫瘡從口流向四支者可治從四支流來入口者不可治

浸淫瘡黃連粉主之方未見

○跌蹙手指臂腫轉筋陰狐疝虺蟲病脉證治第
十九 論一首 脉證一條 方五首

師曰病跌蹙其人但能前不能却刺膈入二寸此太陽經傷也

病人常以手指臂腫動此人身體羸羸者藥蘆甘草湯主之

○藥蘆甘草湯方 未見

轉筋之為病其人臂脚直脉上下行微弦轉筋入腹者雞屎白散主之

○雞屎白散方

雞屎白

右一味為散取方寸匕以水六合和溫服

陰狐疝氣者偏有小大時時上下蜘蛛散主之

○蜘蛛散方

蜘蛛 十四枚 熬焦

桂枝 半兩

右二味為散取八分一匕飲和服日再服蜜圓亦可

問曰病腹痛有虫其脉何以別之師曰腹中痛其脉當沉若弦反洪大故有虵蟲

虵蟲之為病令人吐涎心痛發作有時毒藥不止甘草粉蜜湯主之

○甘草粉蜜湯方

甘草 二兩 粉 一兩重 蜜 四兩

右三味以水三升先煮甘草取二升去滓內粉蜜攪令和煎如薄粥溫服一升差即止

蛇厥者當吐蛇令病者靜而復時煩此為藏寒蛇上入膈故煩須臾復止得食而嘔又煩者蛇聞食臭出其人當自吐蛇

蛇厥者烏梅圓主之

○烏梅圓方

烏梅 三百箇 細辛 六兩 乾薑 十兩 黃連 一斤
當歸 四兩 附子 六兩 川椒 四兩 桂枝 六兩

凡類
下全

人參 黃蘗 各六兩

右十味異搗篩合治之以苦酒漬烏梅一宿去核蒸之五升米下飯熟擣成泥和藥令相得內臼中與蜜杵二千下圓如梧子大先食飲服十圓日三服稍加至二十圓禁生冷滑臭等食

玉函要略方論卷中

卷中

正國要略文編卷中

行三味以水三升先煮其草取二升去滓內粉

蜜攪令相煎如薄粥服之升麥即正

恍惚者當吐蛇令病者靜而復將煩此為病變動上

人禍故煩須臾復止得食而嘔又煩者就驚食藥

圓日三期漸減至二十圓禁生令散其等食

或厥日中與蜜并二千不圓或卧干大失食槍邪十

○蘇蒸之五代米不頭蒸熱聖味藥令卧卧

六十和異斟醋合飲之以苦酢責為蘇一醉

人參

黃藥

各六兩

金匱玉函要畧方論卷下

漢

張仲景述

晉

王叔和集

宋尚書司封郎中充秘閣校理臣林億等詮次

大明新安吳勉學閱

應天

徐

鎔

校

○婦人妊娠病脉證并治第二十

證三條

方九首

師曰婦人得平脉陰脉小弱其人渴不能食無寒熱

名妊娠桂枝湯主之

方見利中

於法六十日當有此

證設有醫治逆者却一月加吐下者則絕之

婦人宿有癥病經斷未及三月而得漏下不止胎動

在臍上者為癥瘕害妊娠六月動者前三月經水利時胎也下血者後斷三月衄也所以血不止者其癥不去故也當下其癥桂枝茯苓圓主之

○桂枝茯苓丸方

桂枝

茯苓

牡丹

去心

桃仁

尖熬

芍藥

各等分

右五味末之煉蜜和丸如兔屎大每日食前服一丸不知加至三丸

婦人懷娠六七月脉弦發熱其胎愈脹腹痛惡寒者少腹如扇所以然者子藏開故也當以附子湯温

其藏

方未見

師曰婦人有漏下者有半產後因續下血都不絕者有妊娠下血者假令妊娠腹中痛為胞阻膠艾湯主之

○芎歸膠艾湯方

一方加乾姜一兩胡洽治婦人胞動無乾姜

芎藭

阿膠

甘草

各二兩

艾葉

當歸

芍藥

各三兩

乾地黄

右七味以水五升清酒三升合煮取三升去滓內膠令消盡温服一升日三服不差更作

婦人懷娠腹中疝痛當歸芍藥散主之

○當歸芍藥散方

當歸

三兩

芍藥

一斤

茯苓

四兩

白朮

四兩

澤瀉

半斤

芎藭

半斤乙

作三兩

右六味杵為散取方寸匕酒和日三服

妊娠嘔吐不止乾姜人參半夏丸主之

○乾姜人參半夏丸方

乾姜

人參

各兩

半夏

二兩

右三味末之以生姜汁糊為丸如梧子大飲服

十九日三服

妊娠小便難飲食如故當歸貝母苦參丸主之

○當歸貝母苦參丸方

男子加滑石半兩

當歸

貝母

苦參

各四兩

右三味末之煉蜜丸如小豆大飲服三丸加至

十九丸

妊娠有水氣身重小便不利洒淅惡寒起即頭眩葵

子茯苓散主之

○葵子茯苓散方

葵子

一斤

茯苓

三兩

右二味杵為散飲服方寸匕日三服小便利則

婦人妊娠宜常服當歸散主之

○當歸散方

當歸

黃芩

芍藥

芍藥各一斤

白朮半斤

右五味杵為散酒飲服方寸七日再服妊娠常

服即易產胎無苦疾產後百病悉主之

妊娠養胎白朮散主之

○白朮散方見外臺

白朮

芍藥

蜀椒三分

牡蠣

右四味杵為散酒服一錢七日三服夜一服但

苦痛加芍藥心下毒痛倍加芍藥心煩吐痛不

能食飲加細辛一兩半夏大者二十枚服之後

更以醋漿水服之若嘔以醋漿水服之復不解

者小麥汁服之已後渴者大麥粥服之病雖愈

服之勿置

婦人傷胎懷身腹滿不得小便從腰以下重如有水

氣狀懷身七月太陰當養不養此心氣實當刺瀉

勞宮及關元小便微利則愈見玉

婦人產後病脉證治第二十一

論一首 證六條 方八首

問曰新產婦人有三病一者病瘧二者病鬱胃三者大便難何謂也師曰新產血虛多汗出喜中風故令病瘧亡血復汗寒多故令鬱胃亡津液胃燥故大便難產婦鬱胃其脉微弱嘔不能食大便反堅但頭汗出所以然者血虛而厥厥而必冒冒家欲解必大汗出以血虛下厥孤陽上出故頭汗出所以產婦喜汗出者亡陰血虛陽氣獨盛故當汗出陰陽乃復大便堅嘔不能食小柴胡湯主之方見嘔

病解能食七八日更發熱者此為胃實大承氣湯主之見瘧病中

產後腹中疝痛當歸生姜羊肉湯主之并治腹中寒疝虛勞不足

○當歸生姜羊肉湯方見寒疝中

產後腹痛煩滿不得臥枳實芍藥散主之

○枳實芍藥散方

枳實燒令黑勿大過 芍藥等分

右二味杵為散服方寸七日三服并主癰膿以麥粥下之

師曰產婦腹痛法當以枳實芍藥散假令不愈者此為腹中有乾血着臍下宜下瘀血湯主之亦主經水不利

○下瘀血湯方

大黃三兩

桃仁二十枚

蟅虫二十枚 熬去足

右三味末之煉蜜和為四丸以酒一升煎一丸取八合頓服之新血下如豚肝

產後七八日無太陽證少腹堅痛此惡露不盡不大便煩躁發熱切脉微實再倍發熱日晡時煩躁者不食食則讖語至夜即愈宜大承氣湯主之熱在

在裏結在膀胱也見瘧病中

產後風續之數十日不解頭微痛惡寒時時有熱心

下悶乾嘔汗出雖久陽旦證續在耳可與陽旦湯

即桂枝湯方見下利中

產後中風發熱面正赤喘而頭痛竹葉湯主之

○竹葉湯方

竹葉一把

葛根二兩

防風一兩

桔梗

桂枝

人參

甘草各一兩

附子一枚 炮

大棗十五枚

生姜五兩

右十味以水一斗煮取二升半分温三服温覆使汗出○頸項強用大附子一枚破之如豆大前藥揚去沫嘔者加半夏半升洗

婦人乳中虛煩亂嘔逆安中益氣竹皮大圓主之

竹皮大丸方

生竹茹二分

石膏二分

桂枝一分

甘草七分

白薇一分

右五味末之棗肉和丸彈子大以飲服一丸日三夜二服有熱者倍白薇煩喘者加栝實一分產後下利虛極白頭翁加甘草阿膠湯主之

○白頭翁加甘草阿膠湯主

白頭翁

甘草

阿膠各二兩

秦皮

黃連

藥皮各三兩

右六味以水七升煮取二升半內膠令消盡分温三服

附方

○千金三物黃芩湯治婦人在草蓐自發露得風四肢苦煩熱頭痛者與小柴胡湯頭不痛但煩者此湯主之

黃芩兩一

苦參兩二

乾地黃兩四

右三味以水六升煮取二升溫服一升多吐下

虫

○千金內補當歸建中湯治婦人產後虛羸不足腹中刺痛不止吸吸少氣或苦少腹中急摩痛引腰背不能食飲產後一月日得服四五劑為善令人強壯宜

當歸四兩

桂枝三兩

芍藥六兩

生姜三兩

甘草二兩

大棗十二枚

右六味以水一斗煮取三升分溫三服一日令盡若大虛加飴糖六兩湯成內之於火上煖令

飴消若去血過多崩傷內衄不止加地黃六兩阿膠二兩合八味湯成內阿膠若無當歸以芎藭代之若無生姜以乾姜代之

婦人雜病脉證并治第二十二

論一首 脉證合十四條 方十四首

婦人中風七八日續來寒熱發作有時經水適斷此為熱入血室其血必結故使如瘧狀發作有時小柴胡湯主之方見嘔吐中

婦人傷寒發熱經水適來晝日明了暮則譫語如見鬼狀者此為熱入血室治之無犯胃氣及上二焦

必自愈

婦人中風發熱惡寒經水適來得七八日熱除脉遲身凉和胸脇滿如結胸狀譫語者此為熱入血室也當刺期門隨其實而取之

陽明病下血譫語者此為熱入血室但頭汗出當刺期門隨其實而瀉之澱然汗出者愈

婦人咽中如有炙轆半夏厚朴湯主之

○半夏厚朴湯方

千金作胸滿心下堅咽中帖帖如有炙肉吐之不出吞之不下

半夏一升

厚朴三兩

茯苓四兩

生姜五兩

乾蘇葉二兩

右五味以水七升煮取四升分温四服日三夜

一服

婦人藏躁喜悲傷欲哭象如神靈所作數欠伸甘麥

大棗湯主之

○甘草小麥大棗湯方

甘草三兩

小麥一石

大棗十枚

右三味以水六升煮取三升温分三服亦補脾

氣

婦人吐涎沫醫反下之心下即痞當先治其吐涎沫

小青龍湯主之涎沫止乃治痞瀉心湯主之

○小青龙湯方

見肺癰中

○瀉心湯方

見驚悸中

婦人之病因虛積冷結氣為諸經水斷絕至有歷年血寒積結胞門寒傷經絡凝堅在上嘔吐涎唾久成肺癰形體損分在中盤結繞臍寒疝或兩脇疼痛與藏相連或結熱中痛在關元脉數無瘡肌若魚鱗時著男子非止女身在下未多經候不勻冷類陰掣痛少腹惡寒或引腰脊下根氣衝急痛膝脛疼煩奄忽眩冒狀如厥癰或有憂慘悲傷多嗔此皆帶下非有鬼神久則羸瘦脉虛多寒三十六病千變萬端審

脉陰陽虛實緊弦行其針藥治危得安其雖同病脉各異源子當辯記勿謂不然

問曰婦人年五十所病下利數十日不止暮即發熱少腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知之其證唇口乾燥故知之當以溫經湯主之

○溫經湯方

吳茱萸

三兩

當歸

芍藥

芍藥

各二兩

人參

桂枝

阿膠

牡丹皮

去心類

生姜

甘草

各二兩

半夏

半升

麥門冬

一升 去心

右十二味以水一斗煮取三升分溫三服○亦

主婦人少腹寒久不受胎兼取崩中去血或月

水來過多及至期不來

帶下經水不利少腹滿痛經一月再見者土瓜根散

主之

○土瓜根散

方類 後癰腫 亦主之

土瓜根

芍藥

桂枝

麩虫

各三分

右四味杵為散酒服方寸七日三服

寸口脉弦而大弦則為減大則為芤減則為寒芤則

為虛寒虛相搏此名曰革婦人則半產漏下旋覆

花湯主之

○旋覆花湯方

旋覆花

七兩

葱

十四莖

新絳

少許

右三味以水三升煮取一升頓服之

婦人陷經漏下黑不解膠姜湯主之

臣億等校諸本無膠姜湯方想

是妊娠中膠文湯

婦人少腹滿如敦狀小便微難而不渴生後者此為

水與血俱結在血室也大黃甘遂湯主之

○大黃甘遂湯方

大黃四兩

甘遂二兩

阿膠二兩

右二味以水三升煮取一升頓服之其血當下

婦人經水不利下抵党湯主之亦治男子膀胱滿急有瘀血者

○抵當湯方

水蛭三十箇

蟪虫三十枚

桃仁二十箇

大黃三兩

右四味為末以水五升煮取三升去滓溫服一

升

婦人經水閉不利藏堅癥不止中有乾血下白物者

石丸主之

○礬石丸方

礬石三分

杏仁一分

右二味末之煉蜜和丸棗核大內藏中劇者再內之

婦人六十二種風及腹中血氣刺痛紅藍花酒主之

○紅藍花酒方疑非仲景方

紅藍花一兩

右一味以酒一大升煎減半頓服一半未止再服

婦人腹中諸疾痛當歸芍藥散主之

○當歸芍藥散方 見前好娠中

婦人腹中痛小建中湯主之

○小建中湯方 見前虛勞中

問曰婦人病飲食如故煩熱不得臥而反倚息者何也師曰此名轉胞不得溺也以胞系了戾故致此病但利小便則愈宜腎氣丸主之

○腎氣丸方

乾地黄 八兩

薯蕷 四兩

山茱萸 四兩

澤瀉 二兩

茯苓 三兩

牡丹皮 三兩

桂枝

附子 炮各一兩

右八味末之煉蜜和丸梧子大酒下十五丸加至二十五丸日再服

○蛇床子散方溫陰中坐藥

蛇床子仁

右一味末之以白粉少許和合相得如棗大綿裹內之自然溫

少陰脉滑而數者陰中即生瘡陰中蝕瘡爛者狼牙湯洗之

○狼牙湯方

狼牙三兩

右一味以水四升煮取半升以綿纏筋如繭浸湯瀝陰中日四遍

胃氣下泄陰吹而正喧此穀氣之實也膏髮煎導之

○膏髮煎方見黃疸中

○小兒疳虫蝕齒方疑非仲景方

雄黃 葶藶

右二味末之取臘日猪脂鎔以槐枝綿裹頭四五枚點藥烙之

○雜療方第二十三

論一首 證一條 方二十二首

退五藏虛熱四時加減柴胡飲子方

冬三柴胡八分 白朮八分 大腹賓郎四枚并皮子用

陳皮五分 生姜五分 桔梗七分

春三枳實 減白朮共六味

夏三生薑三分 枳實五分 甘草三分共八味

秋三陳皮三分共六味

右各吹咀分爲三貼一貼以水三升煮取二升分溫三服如人行四五里進一服如四體壅添甘草少許每貼分作三小貼每小貼以水一升煮取

七合温服再合滓為一服重煮都成四服

疑非仲景方

○長服訶梨勒丸方

疑非仲景方

訶梨勒

娘類

陳皮

厚朴

各三兩

右三味末之煉蜜丸如梧子大酒飲服二十九

加至三十九

○三物備急丸方

見千金司空裴秀為散用亦可先和成汁乃頓口中令從齒間

得入至良驗

大黃

一兩

乾姜

一兩

巴豆

一兩去皮心煖外研如脂

右藥各須精新先擣大黃乾姜為末研巴豆肉

中合治一千杵用為散蜜和丸亦佳密器中貯

之莫令歇○主心腹諸卒暴百病若中惡客忤

心腹脹滿卒痛如錐刺氣急口噤停尸卒死者

以暖水若酒服大豆許三四丸或不下捧頭起

灌令下咽須臾當差如未差更與三丸當腹中

鳴即吐下便差若口噤亦須折齒灌之

治傷寒令愈不復紫石寒食散方

見千金翼

紫石英

白石英

赤石脂

鍾乳

砒鍊

栝樓根

防風

桔梗

文蛤

鬼臼

各十分

太一餘糧十分

乾姜

附子炮去皮

桂枝去皮各四分

右十三味杵為散酒服方寸匕○

○救卒死方

薤搗汁灌鼻中

○又方

雄雞冠割取血管吹內鼻中

又方猪脂如雞子大苦酒一升煮沸灌喉中

又方鷄肝及血塗面上以灰圍四旁立起

又方大豆二七粒以鷄子白并酒和盡以吞之

○救卒死而壯熱者方

礬石半斤以水一斗半煮消以漬脚令沒踝

○救卒死而目閉者方

騎牛臨面搗薤汁灌耳中吹皂莢末鼻中立

效

○救卒死而張口反折者方

灸手足兩爪後十四壯了飲以五毒諸膏散

有巴豆者此四字類聚大書

○救卒死而四肢不收失便者方

馬屎一升水三斗煮取二斗以洗之又取牛

洞稀糞也一升温酒灌口中灸心下一寸臍上

三寸臍下四寸各一百壯差

○救小兒卒死而吐利不知是何病方

狗屎一丸絞取汁以灌之無濕者水煮乾者

取汁

○尸厥脉動而無氣氣閉不通故靜而死也治方

脉証原上卷

草蒲屑內鼻兩孔中吹之令人以桂屑着舌

下

○又方

剔取左角髮方寸燒末酒和灌令人喉立起

千金方云至立甦類聚大書

○救卒死客忤死還魂湯主之方

千金方云土卒忤鬼擊飛尸諸奄忽氣絕無復覺或已無脉口禁拘不開去齒下湯湯下口不下者分病人髮左右捉掬肩引之藥下復增取一升須臾立甦

麻黃二兩去節杏仁去皮尖

甘草二兩○千金方桂心二兩

右三味以水八升煮取三升去滓分令咽之

治諸感忤

○又方

韭根一把烏梅二七箇吳茱萸半升炒

右三味以水一斗煮之以病人櫛內中三沸櫛浮者生沉者死煮取三升去滓分飲之

○救自縊死且至暮雖已冷必可治暮至旦小難也恐此當言忿氣盛故也然夏時夜短於晝又熱猶應可治又云心下若微溫者一日以上猶可治之方

徐徐抱解不得截繩上下安被臥之一人以脚踏其兩肩手少挽其髮常弦弦勿縱之一人以手按據胸上按動之一人摩捋臂脰屈伸之若已僵但漸漸強屈之并按其腹如此

一炊頃氣從口出呼吸眼開而猶引按其胸亦勿若勞之須臾可少桂湯及粥清合與之令濡喉漸漸能嚥及稍止若向令兩人以管吹其兩耳采好此法最善無不活者

○凡中暍死不可使得冷得冷便死療之方

屈草帶繞暍人臍使三兩人溺其中令溫亦可用熱泥和屈草亦可扣瓦椀底按及車缸以看暍人取令溺須得流去此謂道路窮卒無湯當令溺其中欲使多人溺取冷溫若湯便可與之不可泥及車缸恐此物冷暍厥在夏月得熱泥

土暖車釘亦可用也

○救湯死方

取龜中灰兩石餘以埋人從頭至足水出七孔即活

右療自縊溺暈之法拉出首張仲景為之其意

殊絕殆非常情所及本草所能關實救人之大術矣傷寒家數有暈病非此遇熱之暈見外臺

○治馬墜及一切筋骨損方後方

大黃

一兩切候湯成下

絳帛

如手大燒灰

亂髮

如雞子大燒灰用

久用炊單布

一尺燒灰

敗蒲

一握三寸

桃仁

四十九箇去皮尖熬

甘草

如中拈節炙剉

右七味以童子小便量多少煎湯成內酒一大盞次下大黃去滓分溫三服先剉敗蒲席半領煎湯浴衣被蓋覆斯須通利數行痛楚立差利及浴水赤勿怪即瘀血也

○禽獸魚虫禁忌并治第二十四

論辯二首 合九十法 方二十一首

凡飲食滋味以養於生食之有妨反能為害自非服藥煉液焉能不飲食乎切見時人不閑調攝疾疢競

傷類

起若不因食而生苟全其生須知切忌者矣所食之
味有與病相宜有與身為害若得宜則益體害則成
疾以此致危例皆難療凡煮藥飲汁以解毒者雖云
救急不可熱飲諸毒病得熱更甚宜冷飲之○肝病
禁辛心病禁鹹脾病禁酸肺病禁苦腎病禁甘春不
食肝夏不食心秋不食肺冬不食腎四季不食脾辯
曰春不食肝者為肝氣旺脾氣敗若食肝則又補肝
脾氣敗尤甚不可救又肝旺之時不可以死氣入肝
恐復魂也若非王時即虛以肝補之佳余藏準此
凡肝臟自不可輕噉自死者彌甚○凡心皆為神識

所舍勿食之使人來生復其報對矣○凡肉及肝
地不着塵土者不可食之○猪肉落水浮者不可食
○諸肉及魚若狗不食鳥不啄者不可食○諸肉不
乾火灸不動見水自動者不可食之○肉中有如朱
點者不可食之○六畜肉熱血不斷者不可食之○
父母及身本命肉食之令人神魂不安○食肥肉
熱羹不得飲冷水○諸五藏及魚投地塵土不汚者
不可食之○穢飯餒肉臭魚食之皆傷人○自死肉
口閉者不可食之○六畜自死皆疫死則有毒不可
食之○獸自死北首及伏地者食之殺人○食生肉

朱類

飽飲乳變成白虫一作血蠱○疫死牛肉食之令病洞下亦致堅積宜利藥下之○脯臟米麩中有毒及經夏食之發腎病

治自死六畜肉中毒方

黃蘗屑搗服方寸七

治食麩肉漏脯中毒方麩肉密器蓋之隔宿者是也漏脯茅屋漏下沾

着者是也

燒犬屎酒服方寸七每服人乳汁亦良○飲

生韭汁三升亦得

治黍米中藏乾脯食之中毒方

大豆濃煮汁飲數升即解亦治狸肉漏脯等毒

治食生肉中毒方

掘地深三尺取其下土三升以水五升煮數

沸澄清汁飲一升即愈

治六畜鳥獸肝中毒方

水浸豆豉絞取汁服數升愈

馬脚無夜眼者不可食之○食酸馬肉不飲酒則殺人○馬肉不可熟食傷人心○馬鞍下肉食之殺人○白馬黑頭者不可食之○白馬青蹄者不可食之

○馬肉猪肉共食飽醉臥大忌○驢馬肉合猪肉食之成霍亂○馬肝及毛不可妄食中毒害人

治馬肝毒中人未死方

雄鼠屎二七粒末之水和服日再服屎少大者足

又方

人垢取方寸匕服之佳

治食馬肉中毒欲死方

香豉二兩

杏仁三兩

右二味蒸一食頃熟杵之服日再服

又方

煮蘆根汁飲之良

疫死牛或目赤或黃食之大忌○牛肉共猪肉食之必作寸白虫○青牛腸不可合犬肉食之○牛肺從三月至五月其中有虫如馬尾割去勿食食則損人○牛羊猪肉皆不得以楮木桑木葵炙食之令人腹内生虫○噉蛇牛肉殺人何以知之噉蛇者毛髮向後順者是也

治噉蛇牛肉食之欲死方

飲人乳汁一升立愈

又方

以泔洗頭飲一升愈

牛肚細切以水一斗煮取一升煖飲之大汗

出者愈

治食牛肉中毒方

甘草煮汁飲之即解

羊肉其有宿熱者不可食之○羊肉不可共生魚酪
食之害人○羊蹄甲中有珠子白者名羊懸筋食之
令人顛○白羊黑頭食其腦作腸癰○羊肝共生椒
食之破人五藏○猪肉共羊肝和食之令人心悶○
猪肉以生胡荽同食爛人臍○猪脂不可合梅子食

之○猪肉和葵食之少氣○鹿人不可和蒲白作羹
食之發惡瘡○麋脂及梅李子若妊婦食之令子青
盲男子傷精○麋肉不可合煨及生菜梅李果食之
皆病人○痼疾人不可食熊肉令終身不愈○白犬
自死不出舌者食之害人○食狗鼠餘令人發痿瘡
治食犬肉不消心下堅或腹脹口乾大渴心急
發熱妄語如狂或洞下方

杏仁一升合皮
熟研用

以沸湯三升和取汁分三服利下肉片大驗

婦人妊娠不可食兔肉山羊肉及鶩鷄鴨令子無聲

音○兔肉不可合白鷄肉食之令人面發黃○兔肉
着乾姜食之成霍亂○凡鳥自死口不閉翅不合者
不可食之○諸禽肉肝青者食之殺人○鷄有六翮
四距者不可食之○烏鷄白首者不可食之○鷄不
可共葫蒜食之滯氣鷄子云○山鷄不可合鳥獸肉食
之○雉肉久食之令人瘦○鴨卵不可合鱉肉食之
○婦人妊娠食雀肉令子淫亂無耻○雀肉不可合
李子食之○燕肉勿食入水爲蛟龍所噉
鳥獸有中毒箭死者其肉有毒解之方
大豆煮汁及鹽汁服之解

魚頭正白如連珠至脊上食之殺人○魚頭中無腮
者不可食之殺人○魚無腸膽者不可食之三年陰
不起女子絕生○魚頭似有角者不可食之○魚目
合者不可食之○六甲日勿食鱗甲之物○魚不可
合鷄肉食之○魚不得合鷓鴣肉食之○鯉魚鮓不
可合小豆藿食之其子不可合猪肝食之害人○鯉
魚不可合犬肉食之○鱒魚不可合猴雉肉食之
不可合猪肝食○鯉魚合鹿肉生食令人筋甲縮○
青魚鮓不可合生葫荑及生葵并麥中食之鱖鮓不
可合白犬血食之○龜肉不可合酒菓子食之○鱉

目凹陷者及厭下有王字形者不可食之○其肉不得合鷄鴨子食之○龜鱉肉不可合葇菜食之○鰕無須及腹下通黑煮之反白者不可食之○食膾飲乳酪令人腹中生虫為瘕

膾食之在心胸間不化吐復不出速下除之
成瘕病治之方

橘皮兩一

大黃兩二

朴消兩二

右三味以水一大升煮至小升頓服即消
食膾多不消結為瘕病治之方

馬鞭草

右一味搗汁飲之○或以姜葉汁飲之一升亦消○又可服吐藥吐之

食魚後食毒兩種煩亂治之方

橘皮

濃煎汁服之即解

食鯀魚中毒方

蘆根

煮汁服之即解

蟹目相向足班目赤者不可食之

食蟹中毒治之方

紫蘇

煮汁飲之三升○紫蘇子搗汁飲之亦良

又方

冬瓜汁飲二升食冬瓜亦可

凡蠶未遇霜多毒其熟者乃可食之○蜘蛛落食中
有毒勿食之○凡蜂蠅虫蟻等多集食上食之致瘦

○果實菜穀禁忌并治第二十五

果子生食生瘡○果子落地經宿虫蟻食之者人大
忌食之○生米停留多日有損處食之傷人○桃子
多食令人熱仍不得入水浴令人病淋瀝寒熱病○

寒熱字類例

杏酪不熟傷人○梅多食壞人齒○李不可多食令
人臃脹○林檎不可多食令人百脉弱○橘柚多食
令人口爽不知五味○梨不可多食令人寒中金瘡
產婦亦不宜食○櫻桃杏多食傷筋骨○安石榴不
可多食損人肺○胡桃不可多食令人動痰飲○生
棗多食令人熱渴氣脹寒熱羸瘦者彌不可食傷人
食諸果中毒治之方

猪骨

燒

右一味末之水服方寸七○亦治馬肝漏脯等

毒

木耳赤色及仰生者勿食○菌仰卷及赤色者不可食

食諸菌中毒悶亂欲死治之方

人糞汁飲一升 土漿飲一二升

大豆濃煮汁飲之 服諸吐利藥並解

食楓柱菌而哭不止治之以前方

誤食野芋煩毒欲死治之方 以前方

其野芋根山東人名魁芋人種芋三年不收亦成野芋並殺人

蜀椒閉口者有毒誤食之戟人咽喉氣病欲絕

或吐下白沫身體痺冷急治之方

肉桂煎汁飲之 多飲冷水一二升

或食蒜 或飲地漿

或濃煮豉汁飲之並解

正月勿食生葱令人面生游風○二月勿食蓼傷人

腎○三月勿食小蒜傷人志性○四月八月勿食胡

荑傷人神○五月勿食韭令人乏氣力○五月五日

勿食一切生菜發百病○六月七月勿食茱萸傷神

氣○八月九月勿食姜傷人神○十月勿食椒損人

心傷心脉○十一月十二月勿食薤令人多涕唾○

四季勿食生菜令人飲食不化發百病非但食中藥

中皆不可用深宜慎之○時病差未健食生菜手足
必腫○夜食生菜不利人○十月勿食被霜生菜令
人面無光目澁心痛腰疼或發心癢癢發時手足十
指爪皆青困委○葱韭初生芽者食之傷人心氣○
飲白酒食生韭令人病增○生葱不可共蜜食之殺
人獨顆蒜彌忌○棗合生葱食之令人病○生葱和
雄鷄雉白犬肉食之令人七竅經年流血○食糖蜜
後四日內食生葱韭令人心痛○夜食諸姜蒜葱等
傷人心○蕪菁根多食令人氣脹○薤不可共牛肉
作羹食之成瘕病韭亦然○蓴多病動痔疾○野苣

不可同蜜食之作內痔○白苣不可共酪同食作蠱
虫○黃瓜食之發熱病○葵心不可食傷人葉尤冷
黃背赤莖者勿食之○胡荽久食之令人多忘○病
人不可食胡荽及黃花菜○芋不可多食動病○妊
婦食姜令子餘指○蓼多食發心痛○蓼和生魚食
之令人奪氣陰欬疼痛○芥菜不可共兔肉食之成
惡邪病○小蒜多食傷人心力

食躁或躁方

鼓

濃煮汁飲之

鈎吻與芹菜相似誤食之殺人解之方 肘後云與菜葉

食芹相似

薺芫 八兩

右一味水六升煮取二升分温二服 鈎吻生地傍無他草

其莖有毛以此別之

菜中有水莨菪葉圓而光有毒誤食之令人狂亂狀如中風或吐血治之方

甘草

煮汁服之即解

春秋二時龍帶精入芹菜中人偶食之為病發

名類

時手背腹滿痛不可忍各蛟龍病治之方

硬糖 二三升

右一味日兩度服之吐出如蜥蜴三五枚差

食苦瓠中毒治之方

藜蘘

煮汁數服之解

扁豆寒熱者不可食之○又食小豆令人枯燥○食大豆屑忌噉猪肉○大麥久食令人作癩○白黍米不可同飴蜜食亦不可合葵食之○菽麥麩多食之令人髮落○鹽多食傷人肺○食冷物水入酒○食熱

物勿飲冷水○飲酒食生蒼耳令人心痛○夏月大醉汗流不得冷水洗着身及使扇即成病○飲酒大忌灸腹背令人腸結○醉後勿飽食發寒熱○飲酒食猪肉臥秫稻穰中則發黃○食飴多飲酒大忌○凡水及酒照見人影動者不可飲之○醋合酪食之令人血癥○食白米粥勿食生蒼耳成走瘥○食甜粥已食鹽即吐○犀角筋攪飲食赤出及澆地墳起者食之殺人

飲食中毒煩滿治之方

古參三

苦酒一升

右二味煮三沸三上三下服之吐食出即差或以水煮亦得

又方犀角湯亦佳

貪食食多不消心腹堅滿痛治之方

鹽升 水三升

右二味煮令鹽消分三服當吐出食便差

○蒼石生入腹破人心肝亦禁水○商陸以水服殺人

○葶藶子傅頭瘡藥成入腦殺人○水銀入人耳及

六畜等皆死以金銀着耳邊水銀則吐○苦練無子

者殺人

舉類

